

Отставкадағы судьяға өмір бойғы ай сайынғы қамтылым төлеу қағидаларын бекіту туралы

Қазақстан Республикасы Үкіметінің 2015 жылғы 28 қарашадағы № 961 қаулысы.

2016 жылғы 1 қаңтардан бастап қолданысқа енгізіледі.

"Қазақстан Республикасының сот жүйесі мен судьяларының мәртебесі туралы" Қазақстан Республикасының Конституциялық заңы 35-бабының 2-1-тармағына сәйкес Қазақстан Республикасының Үкіметі **ҚАУЛЫ ЕТЕДІ:**

Ескерту. Кіріспе жаңа редакцияда - ҚР Үкіметінің 20.03.2024 № 209 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

1. Қоса беріліп отырған Отставкадағы судьяға өмір бойғы ай сайынғы қамтылым төлеу қағидалары бекітілсін.

2. Осы қаулы 2016 жылғы 1 қаңтардан бастап қолданысқа енгізіледі және ресми жариялануға тиіс.

Қазақстан Республикасының

Премьер-Министрі

К.Мәсімов

Қазақстан Республикасы
Үкіметінің
2015 жылғы 28 қарашадағы
№ 961 қаулысымен
бекітілген

Отставкадағы судьяға өмір бойғы ай сайынғы қамтылым төлеу қағидалары

1. Жалпы ережелер

1. Осы Отставкадағы судьяға өмір бойғы ай сайынғы қамтылым төлеу қағидалары (бұдан әрі – Қағидалар) "Қазақстан Республикасының сот жүйесі мен судьяларының мәртебесі туралы" Қазақстан Республикасының Конституциялық заңы (бұдан әрі – Конституциялық заң) 35-бабының 2-1-тармағына сәйкес әзірленді және отставкадағы судьяға өмір бойғы ай сайынғы қамтылым төлеу тәртібін айқындайды.

Ескерту. 1-тармақ жаңа редакцияда - ҚР Үкіметінің 20.03.2024 № 209 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2. Осы Қағидаларда мынадай ұғымдар пайдаланылады:

1) "Азаматтарға арналған үкімет" мемлекеттік корпорациясы (бұдан әрі – Мемлекеттік корпорация) – Қазақстан Республикасының заңнамасына сәйкес мемлекеттік қызметтерді көрсету үшін, "бір терезе" қағидаты бойынша мемлекеттік

қызметтер көрсетуге өтініштерді қабылдау және көрсетілетін қызметті алушыға олардың нәтижелерін беру жөніндегі жұмысты ұйымдастыру, сондай-ақ мемлекеттік қызметтерді электрондық нысанда көрсетуді қамтамасыз ету үшін Қазақстан Республикасы Үкіметінің шешімі бойынша құрылған заңды тұлға;

2) ай сайынғы өмір бойғы қамтылымды алушы – Конституциялық заңның 35-бабының 1, 1-1 және 2-1-тармақтарына сәйкес отставкадағы, оның ішінде 2016 жылғы 1 қаңтарға дейін отставкаға шыққан, Қазақстан Республикасының әлеуметтік қорғау туралы заңнамасында белгіленген зейнеткерлік жасқа жеткен және сот әкімшілігі саласындағы уәкілетті мемлекеттік органға, оның облыстардағы, астанадағы және республикалық маңызы бар қалалардағы аумақтық бөлімшелеріне (бұдан әрі – уәкілетті орган) өтініш берген судья;

3) өмір бойғы ай сайынғы қамтылым – Конституциялық заңның 35-бабының 2-1-тармағында көзделген тәртіппен отставкадағы судьяға төленетін ақшалай төлемдер;

4) уәкілетті орган – Қазақстан Республикасы Жоғарғы Сотының, облыстарда, астанада және республикалық маңызы бар қалаларда аумақтық бөлімшелері бар жергілікті және басқа да соттардың қызметін ұйымдастырушылық-құқықтық, ақпараттық-талдамалық және материалдық-техникалық қамтамасыз етуді жүзеге асыратын мемлекеттік орган.

Ескерту. 2-тармақ жаңа редакцияда - ҚР Үкіметінің 20.03.2024 № 209 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2. Ай сайынғы өмір бойғы қамтылымды тағайындау

3. Отставкадағы судья (бұдан әрі – өтініш беруші) соңғы лауазымында істеген жұмыс орны бойынша уәкілетті органға осы Қағидалардың 5-тармағында көрсетілген құжаттарды қоса бере отырып, осы Қағидаларға 1-қосымшаға сәйкес нысан бойынша ай сайынғы өмір бойғы қамтылымды тағайындау (қалпына келтіру) туралы өтініш (бұдан әрі – өтініш) береді.

Ескерту. 3-тармақ жаңа редакцияда - ҚР Үкіметінің 21.04.2016 № 239 қаулысымен.

4. Өтінішті Конституциялық заңда көзделген ай сайынғы өмір бойғы қамтылым алуға құқық туындаған кезде өтініш беруші уәкілетті органға береді.

Өтініш беру қандай да бір мерзіммен шектелмейді.

5. Өтінішке мынадай құжаттар қоса беріледі:

1) өтініш берушінің жеке басын куәландыратын құжатының көшірмесі;

2) ағымдағы банктік шоттың мәліметтері;

3) судьяның еңбек қызметін растайтын құжат не оның нотариат куәландырған көшірмесі.

Ескерту. 5-тармақ жаңа редакцияда – ҚР Үкіметінің 25.07.2024 № 604 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

6. Ай сайынғы өмір бойғы қамтылымды тағайындау (қалпына келтіру) туралы өтінішті уәкілетті орган осы Қағидалардың 2-қосымшасына сәйкес нысан бойынша судьяның отставкаға шығуы, судьяның отставкасын тоқтату, тоқтата тұру және қалпына келтіру туралы мәліметтерді тіркеу және есепке алу журналында қағаз және электрондық тасығыштарда тіркейді.

7. Уәкілетті орган ай сайынғы өмір бойғы қамтылым тағайындауға (қалпына келтіруге) үміткер әрбір өтініш берушіге мынадай құжаттардан іс қалыптастырады:

- 1) ай сайынғы өмір бойғы қамтылымды тағайындау туралы өтініш;
- 2) өтініш берушінің жеке басын куәландыратын құжаттың көшірмесі;
- 3) ағымдағы банктік шот туралы мәліметтер;

4) уәкілетті органның кадр қызметі ұсынатын, судьяның отставкаға шыққанын растайтын құжат;

5) уәкілетті органның кадр қызметі ұсынатын, судьяның қажетті жұмыс өтілінің бар екенін растайтын құжат;

6) уәкілетті органның қаржы қызметі ұсынатын соңғы атқарған қызметі бойынша лауазымдық еңбекақы мөлшері туралы құжат;

7) уәкілетті органның қаржы қызметі ұсынатын судьяға есептелетін өмір бойғы қамтылымының есеп-қисабы.

Ескерту. 7-тармақ жаңа редакцияда – ҚР Үкіметінің 25.07.2024 № 604 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

8. Уәкілетті орган өтініш берушінің өтініші келіп түскен күнінен бастап он жұмыс күні ішінде осы Қағидалардың 3-қосымшасына сәйкес нысан бойынша ай сайынғы өмір бойғы қамтылымның өтініш берілген күнгі мөлшерін көрсете отырып, ай сайынғы өмір бойғы қамтылым тағайындау (тоқтата тұру, қалпына келтіру) не тағайындаудан бас тарту туралы қорытынды шығарады.

Өтініш берушіге ай сайынғы өмір бойғы қамтылымды тағайындаудан (қалпына келтіруден) бас тарту туралы қорытынды Конституциялық заңның 35-бабының 3-тармағында көзделген негіздер бойынша шығарылады.

9. Қорытынды ай сайынғы өмір бойғы қамтылымды тағайындау не оны тағайындаудан бас тарту туралы бұйрық дайындау үшін жазбаша нысанда үш жұмыс күні ішінде уәкілетті органның басшысына беріледі.

Ай сайынғы өмір бойғы қамтылымды тағайындаудан бас тартылған жағдайда уәкілетті орган бұйрыққа қол қойылған күннен бастап үш жұмыс күні ішінде жазбаша нысанда бұл туралы өтініш берушіге хабарлайды.

10. Уәкілетті орган отставкадағы судьяға өмір бойғы ай сайынғы қамтылымды тағайындау туралы бұйрыққа қол қойылған күннен бастап үш жұмыс күні ішінде осы Қағидаларға 4-қосымшаға сәйкес нысан бойынша отставкадағы судьяға өмір бойғы ай сайынғы қамтылымды тағайындау туралы хабарламаны (бұдан әрі – хабарлама) мемлекеттік базалық зейнетақы төлемдерін және (немесе) жасына байланысты зейнетақы төлемдерін және (немесе) еңбек сіңірген жылдарына зейнетақы төлемдерін тоқтату үшін Мемлекеттік корпорацияға жібереді.

Ескерту. 10-тармақ жаңа редакцияда - ҚР Үкіметінің 21.04.2016 № 239 қаулысымен.

11. Тегі, аты немесе әкесінің аты, ағымдағы банктік шотының нөмірі, тұрғылықты жері өзгерген жағдайда ай сайынғы өмір бойғы қамтылымды алушы көрсетілген өзгерістер орын алған күннен бастап он жұмыс күні ішінде уәкілетті органға іс материалдарына қосып тіркеу үшін растайтын құжаттармен бірге өтініш береді.

Ескерту. 11-тармақ жаңа редакцияда – ҚР Үкіметінің 25.07.2024 № 604 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

12. Отставкадағы судья өмір бойғы ай сайынғы қамтылымды мемлекеттік базалық зейнетақы төлемін және (немесе) жасына байланысты зейнетақы төлемдерін және (немесе) еңбек сіңірген жылдары үшін зейнетақы төлемдерін бір мезгілде ала алмайды.

13. Отставкадағы судьяның өз жеке зейнетақы шотында қалыптастырылған зейнетақы жинақтарының есебінен зейнетақы төлемдерін алуы Қазақстан Республикасының әлеуметтік қорғау туралы заңнамасында айқындалатын тәртіппен жүзеге асырылады.

Ескерту. 13-тармақ жаңа редакцияда - ҚР Үкіметінің 20.03.2024 № 209 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

3. Еңбек өтілін анықтау және өмір бойғы ай сайынғы қамтылымның мөлшерін есептеу

14. Отставкадағы судьяға өмір бойғы ай сайынғы қамтылымның мөлшері көрсетілген қамтылымды төлеуге өтініш берілген күні қолданыстағы судьялар үшін еңбекке ақы төлеу жүйесіне сәйкес соңғы атқарған лауазымына төленетін еңбекақы бойынша есептеледі.

15. Отставкадағы судьяның өмір бойғы ай сайынғы қамтылымының мөлшерін есептеу Конституциялық заңның 35-бабының 2-1-тармағына сәйкес жүзеге асырылады.

16. Отставкадағы судьяның өмір бойғы ай сайынғы қамтылымын тағайындау үшін еңбек өтіліне судьяның Қазақстан Республикасының заңнамасына сәйкес тағайындалған күнінен бастап және өкілеттігін нақты тоқтатқан күніне дейінгі оның жұмыс кезеңі есептеледі.

17. Судьялық жұмыс өтілі үзілген жағдайда жалпы судьялық өтіл судья лауазымындағы жұмыстың барлық кезеңі үшін болған үзіліске қарамастан жиынтықта есептеледі.

18. Қазақстан Республикасының заңнамалық актілерінде белгіленген тәртіппен судьяларға еңбекақы ақы төлеу мөлшері ұлғайған кезде уәкілетті орган отставкадағы судьяға төленетін ай сайынғы өмір бойғы қамтылымды қайта есептеуді жүргізеді.

4. Өмір бойғы ай сайынғы қамтылымды төлеуді жүзеге асыру

19. 2016 жылғы 1 қаңтардан кейін отставкадағы судьяға өмір бойғы ай сайынғы қамтылымды төлеу ол уәкілетті органға ай сайынғы өмір бойғы қамтылымды тағайындау туралы өтініш берген күннен бастап жүзеге асырылады.

Зейнетақы төлемдерін алушы тұлғалар үшін ай сайынғы өмір бойғы қамтылымды төлеуді мемлекеттік базалық зейнетақы төлемі және (немесе) жасына байланысты зейнетақы төлемдері және (немесе) еңбек сіңірген жылдары үшін зейнетақы төлемдері тоқтатылған айдан кейінгі айдың бірінші күнінен бастап уәкілетті орган жүзеге асырады.

Мемлекеттік базалық зейнетақы төлемін және (немесе) жасына байланысты зейнетақы төлемдерін және (немесе) еңбек сіңірген жылдары үшін зейнетақы төлемдерін тоқтату туралы ақпаратты Мемлекеттік корпорация хабарлама келіп түскен күннен бастап бес жұмыс күні ішінде ұсынады.

Ескерту. 19-тармаққа өзгеріс енгізілді - ҚР Үкіметінің 21.04.2016 № 239 қаулысымен.

20. Ай сайынғы өмір бойғы қамтылым мөлшері тағайындалған және өзгерген кезде тиынмен есептелген барлық сома тиын сомасына қарамастан бір теңгеге дейін дөңгелектеуге жатады.

21. Ай сайынғы өмір бойғы қамтылымды төлеуді уәкілетті орган ай сайынғы өмір бойғы қамтылым тағайындау туралы бұйрықтың негізінде өтініш берушінің ағымдағы банктік шотына жүзеге асырады.

Ескерту. 21-тармақ жаңа редакцияда – ҚР Үкіметінің 25.07.2024 № 604 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

5. Өмір бойғы ай сайынғы қамтылым төлеуді тоқтата тұру, тоқтату және қалпына келтіру

22. Ай сайынғы өмір бойғы қамтылымды төлеу:

1) Конституциялық заңның 35-бабының 3-тармағында көзделген негіздер бойынша судьяның отставкасы тоқтатыла тұрған жағдайда;

2) отставкадағы судья Қазақстан Республикасының заңнамасында белгіленген тәртіппен республикалық немесе жергілікті бюджеттен не Қазақстан Республикасының Ұлттық Банкі қаражатынан ақы төленетін лауазымды атқарған жағдайда тоқтатыла тұрады.

Республикалық немесе жергілікті бюджеттен не Қазақстан Республикасының Ұлттық Банкі қаражатынан ақы төленетін лауазымды атқаруы тоқтатылған жағдайда, судьяға өмір бойғы ай сайынғы қамтылымды төлеу қайта басталады.

Осы тармақтың 2) тармақшасында көзделген жағдайларда өмір бойғы ай сайынғы қамтылымды төлеуді тоқтату, қалпына келтіру өмір бойғы ай сайынғы қамтылымды төлеуді тоқтата тұру (қалпына келтіру) туралы бұйрықтың негізінде жүзеге асырылады.

Ескерту. 22-тармақ жаңа редакцияда - ҚР Үкіметінің 21.04.2016 № 239 қаулысымен; өзгеріс енгізілді - ҚР Үкіметінің 20.03.2024 № 209 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

23. Ай сайынғы өмір бойғы қамтылымды төлеу Конституциялық заңның 35-бабының 3-тармағында көзделген негіздер бойынша судьяның отставкасы тоқтатылған жағдайда тоқтатылады.

Отставкадағы судья қайтыс болған немесе оны қайтыс болды деп жариялау туралы сот шешімі заңды күшіне енген жағдайда ай сайынғы өмір бойғы қамтылымды төлеу қайтыс болған ай қоса есептеліп жүзеге асырылады.

Ескерту. 23-тармақ жаңа редакцияда – ҚР Үкіметінің 27.05.2019 № 322 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

24. Ай сайынғы өмір бойғы қамтылымды төлеуді тоқтату, тоқтата тұру және қалпына келтіру бойынша шешімді уәкілетті орган осы Қағидалардың 3-9-тармақтарында көзделген тәртіппен қабылдайды.

25. Ай сайынғы өмір бойғы қамтылымды төлеу тоқтатып қойылған, тоқтатылған немесе қалпына келтірілген жағдайда уәкілетті орган үш жұмыс күні ішінде Мемлекеттік корпорацияға осы Қағидаларға 4-қосымшаға сәйкес нысан бойынша ай сайынғы өмір бойғы қамтылымды төлеудің тоқтатып қойылғаны, тоқтатылғаны немесе қалпына келтірілгені туралы хабарлама жібереді.

Ескерту. 25-тармақ жаңа редакцияда – ҚР Үкіметінің 25.07.2024 № 604 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

6. Отставкадағы судьяларға өмір бойғы ай сайынғы қамтылым төлеу туралы мәліметтердің есебін жүргізу

26. Уәкілетті орган судьялардың отставкасы, судьялардың отставканы тоқтатуы, судьяның отставканы тоқтата тұруы және қалпына келтіруі туралы, сондай-ақ уәкілетті

орган қабылдаған шешімдер туралы мәліметтердің есебін қағаз және электрондық тасығыштарда есепке алу журналында жүргізеді.

Отставкадағы судьяға өмір
бойғы ай сайынғы
қамтылым төлеу
қағидаларына
1-қосымша

Отставкадағы судьяға өмір
бойғы ай сайынғы
қамтылым төлеу жөніндегі
уәкілетті органға
кімнен _____
Т.А.Ә. (егер бар болса)

мекенжайы:

ӨТІНІШ

Ескерту. 1-қосымша жаңа редакцияда - ҚР Үкіметінің 21.04.2016 № 239 қаулысымен.

Отставкадағы судья ретінде маған өмір бойғы ай сайынғы қамтылым тағайындауды (қалпына келтіруді) сұраймын.

Судья ретінде жұмыс өтілімім _____ кұрайды.

_____ сотының
судьясы (төрағасы, алқа төрағасы) лауазымындағы соңғы жұмыс орным

Көрсетілген лауазымнан:

Қазақстан Республикасы Парламенті Сенатының " ____ " _____ № _____
_____ қаулысының;

Қазақстан Республикасы Президентінің _____ жылғы " ____ " _____ № _____
_____ Жарлығының негізінде босатылдым.

(керектісін толтырыңыз)

Өтінішке қоса беремін:

1. _____
2. _____
3. _____
4. _____

Өзім ұсынған құжаттардың дұрыстығы үшін құқықтық жауапкершілік аламын.

Барлық өзгерістер туралы, сондай-ақ тұрғылықты жерімнің (оның ішінде Қазақстан Республикасының аумағынан тыс жерлерге шығу), анкеталық деректердің, банктік деректемелердің өзгергені туралы он жұмыс күні ішінде уәкілетті органға хабарлауға міндеттенемін.

Бұрын басқа ведомстводан зейнетақы төлемдері тағайындалғанын/ тағайындалмағанын хабарлаймын.

(керектісінің астын сызыңыз)

Менің жеке деректерімді өңдеуге келісім беремін.

Өтініш берушінің қолы _____ 20 ____ ж. _____ " ____ "

Отставкадағы судьяға өмір бойғы ай сайынғы қамтылым төлеу қағидаларына 2-қосымша

Судьяның отставкаға шығуы, судьяның отставкасын тоқтату, судьяның отставкасын тоқтата тұру және қалпына келтіру туралы мәліметтерді тіркеу және есепке алу журналы

_____ жылғы " ____ " _____ аяқталды _____ жылғы " ____ " _____ басталды

р/с №	Жүгінген күні	Өтініш берушінің Т.А.Ә.	Өтініш берушінің туған күні	ЖСН	Тұрғылықты жері	Сайланған немесе тағайындалған күні	Отставкадағы күні	Отставкасы тоқтатылған күні және қалпына келтірілген күні	Уәкілетті органның шешімді қабылдаған күні және ай сайынғы төлемдердің мөлшері	Ескертпе
1	2	3	4	5	6	7	8	9	10	11

Журналда _____ парақ нөмірленді және тігілді.

(санмен және жазбаша)

М.О. Басшы _____

Т.А.Ә.

Отставкадағы судьяға өмір бойғы ай сайынғы қамтылым төлеу қағидаларына 3-қосымша

Өмір бойғы ай сайынғы қамтылымды тағайындау (тоқтата тұру, қайта бастау) не тағайындаудан бас тарту туралы қорытынды

Ескерту. 3-қосымша жаңа редакцияда - ҚР Үкіметінің 20.03.2024 № 209 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

20 ____ жылғы " ____ " _____ № _____

"Қазақстан Республикасының сот жүйесі мен судьяларының мәртебесі туралы"

Қазақстан Республикасының Конституциялық заңы 35-бабының 2-1-тармағына сәйкес

_____ (тегі, аты, әкесінің аты (бар болса))

1. 20 ____ жылғы " ____ " _____ бастап отставкадағы судьяға өмір бойғы ай сайынғы қамтылым _____ теңге мөлшерінде тағайындалсын.

2. Отставкадағы судьяға өмір бойғы ай сайынғы қамтылымды тағайындаудан _____ бас тартылсын.

_____ (бас тартудың негізі)

3. Отставкадағы судьяға _____

_____ (тоқтата тұрудың негізі)

теңге мөлшерінде өмір бойғы ай сайынғы қамтылым төлеу 20 ____ жылғы " ____ " _____ бастап тоқтатыла тұрсын.

4. 20 ____ жылғы " ____ " _____ бастап _____

_____ (қайта бастаудың негізі)

_____ теңге мөлшерінде отставкадағы судьяға өмір бойғы ай сайынғы қамтылымды төлеу қайта басталсын.

Кадр қызметінің басшысы (Т.А.Ә. (бар болса), қолы)

Қаржы қызметінің басшысы (Т.А.Ә. (бар болса), қолы)

Отставкадағы судьяға өмір
бойғы ай сайынғы қамтылым
төлеу қағидаларына
4-қосымша

Отставкадағы судьяға өмір бойғы ай сайынғы қамтылымды тағайындау (тоқтата тұру немесе қалпына келтіру) туралы

ХАБАРЛАМА

Ескерту. 4-қосымша жаңа редакцияда – ҚР Үкіметінің 25.07.2024 № 604 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

Тегі _____

Аты _____

Әкесінің аты (бар болса) _____

Тұрғылықты (нақты) мекенжайы _____

Жеке басын куәландыратын құжат: № _____

" ____ " _____ ж. берген. ЖСН _____

20 ____ жылғы " ____ " _____ бастап отставкадағы судья ретінде ай сайынғы өмір бойығы қамтылым тағайындалды (тоқтатып қойылды немесе қалпына келтірілді).
Банк деректемелері және алушының ағымдағы банктік шот нөмірі

Банк БСН _____

Мемлекеттік негізгі зейнетақы төлемдерін және (немесе) жасына байланысты зейнетақы төлемдерін және (немесе) жұмыс атқарған жылдарына зейнетақы төлемдерін тоқтату үшін немесе тағайындау үшін негіз болып табылады.

М.О. Басшы _____

қолы (Т.А.Ә. (бар болса))